

U Screnu

Dà sguassà le frizzure è rimirà ti, o cara
Tengu slibratu in mè, di villutu un iscrenu
Cara, ci balli tù, di notte à lu sirenu
Dà sguassà le frizzure è rimirà ti, o cara.

Tengu slibratu in mè, di villutu un iscrenu
Grentu t'ascondi tù, la me perula rara
Giuvellu addurmintatu è sognu di fiumara
Tengu slibratu in mè, di villutu un iscrenu.

Cara, ci balli tù, di notte à lu sirenu
Cù le fate surelle è chjochi di chitara
In li to ochji neri, aghju accesu una fiara
Cara, ci balli tù di notte à lu sirenu.

Dà sguassà le frizzure è rimirà ti, o cara
Viaghju per ste loche è mi do ti rimenu
Bramendu la to prisenza è l'eternu
Vilenu... Vilenu... Vilenu.